

中國方志叢書·華中地方·第八一號

據

清·陳蘭森等修，謝啓昆等纂
清乾隆五十四年刊本

影印

江西省

南昌府志



成文出版社有限公司印行

南昌府志卷五

建置三

公所

南昌縣

萬壽宮在東湖之東貢院前朔望慶賀闔城文武官於此行禮

上諭亭在瓦子閣爲張掛

上諭之所與官銅庫共基

會府在澹臺祠右今爲城守營署

貢院在東湖之東龍神廟後佑清寺前宋初江西貢院未
建時大比即以城東開元寺爲之宣和元年創建於仙市

坊尋燬紹興以後寓能仁上藍寺緣寺隘復益以光華館
乾道間帥守吳芾改建於東湖左卽開元寺廢址後帥守
李壽朋又闢西北偏經藏寺以益之宋季廢元延祐初改
創於琉璃門之北虞集有記後亦廢明洪武間於上藍寺
鄉試二十九年仍拓地於東湖左得三皇廟故址創貢院
嘉靖元年東湖水溢卽進賢門內廢寧府陽春書院改建
後因火災復遷東湖之左

國朝順治三年首試士於此五年燬於兵八年以按院公署改
作貢院倉猝規模未備十年左布政使盧震陽請於巡撫
蔡士英卽進賢門內舊址重建康熙二十年巡撫安世鼎

復移建於東湖故址其制周圍繚以棘垣前立頭門二門
龍門中爲明遠樓樓北爲至公堂堂間以牆爲翼門門內
爲至明堂舊名協一堂公閱試卷處後奎宿堂舊名聯璧
堂居兩主司兩掖列屋東十七間西十八間居分校同考
官舊居同考官於協一堂之兩廡今兩廡及西偏房屋二
所改爲內監試公解是爲內簾至公堂左爲監臨公解右
爲提調監試正副公解監臨公解前左爲受卷彌封謄錄
對讀掌卷等所各別以垣墻是爲外簾至公堂前甬道兩
旁列士子號舍萬間龍門外置供給所棘垣內四隅各立
瞭角樓頭門外樹立柵欄設東西二坊曰天衢曰雲路舊

名騰蛟起鳳今移而書之於旂較進賢門舊制加鉅麗焉
康熙五十一年巡撫佟國勳改建號舍一萬有奇撤木蓆
而易以石

熊一瀟王思軾皆有記

康熙五十八年巡撫白

潢請

旨增廣中額外建廣額亭內添置號舍一千間乾隆九年恭刻

御製匾額聯詩章於至公堂十二年重修

錢陳羣有記

十三年

布政使彭家屏重加修葺多植槐桂增浚井

自記

三十三

年巡撫吳紹詩重修

自記

四十四年敬錄

聖訓釐正文體

上諭一道於至明堂四十七年布政使馮應榴詳請巡撫郝碩

奏

准勳帑重建號舍萬間一律加高并增建巡綽房五間門坊
堂室以次整葺工閱九月而竣四十八年敬錄房考官不
准互看試卷

上諭一道於至明堂

省志

舊志

縣志

據冊新增

元虞集貢院題名碑記曰至正四年歲在甲申江西行中
書省欽奉明詔興賢能於郡縣聚之會府拔其尤以充貢
先期驛至中外文學大夫以較藝乃八月之吉受聘而至
者先後入院遵累舉之制而試之九月十五日得右榜九
人左榜二十二人又以新制取次榜右生六人左生十有
二人留省以備學官之任其與計偕者省憲官親與爲燕
工歌鹿鳴而勸之焉其禮盛矣然省憲有主試監試之官
貢院有主文考試之目又有分任試事於簾外者皆一時
知名之士上下內外勤勞幾月餘竣事各散還其官所未
有題名以記之者也蓋延祐甲寅初科不及行而因循至

聖

上

於今爲缺典請立石於貢院而悉題其名焉夫江省所統
郡二十多以文物稱布衣韋帶之士修行於鄉里誦書史
求聖賢之道稽當世之務人人欲自獻於明時其積累非
一朝一夕之故而來應試者不下數千人遠者千餘里有
司者不明經學之傳不足以得明經之士不知治道之要
不足以得致治之才學術之邪正文氣之升降道德之所
以興風俗之所以化其機蓋在是焉非直爲數十人之進
取而已而所得之士他日有見於世者可指名而論之其
於國家治教之運豈不重哉古者諸侯薦士於天子天子
試之射而使與祭焉數與祭者薦之國有慶賞先王之遺
法也備書以徵文獻於將來宜在於此詩曰鳳凰鳴矣於
彼高岡梧桐生矣于彼朝陽必有詠歌以報聖天子者
國朝熊一瀟記畧曰古選士於鄉而後乃制專科目列郡邑旣
設學宮以資教育尤建鎖院於省會以知貢舉蓋廣
聖天子菁莪棫樸之化而收人材以備天下國家之用顧必擇形
勝之區爲地靈人傑之所鍾誠重典也先是江右貢院面
東湖氣勢光昌科名鼎盛
國初戊子二監構逆蕩爲邱墟遂改卜進賢門內正學書院
之故基疑於偏逼會甲寅三孽難起
上命親王大將軍率師駐豫章三面進討督府董公會同文武諸

大吏度湖濱舉場之廢址創建幕府爲大將軍開闢坐籌
決機取勝之所而乙卯科停貢院之在進賢門內者秣馬
峙芻亦且毀垣頽柱矣逮辛酉賓興屆期則荆榛瓦礫當
事檄修莫措時方伯王公謂幕府旣曠有餘廊又原貢院
壤卽其地增席舍改經房較創修之費差省而功不勞且
江人士所樂復也因與中丞安公議旣協遂力陳於督允
所請君子謂是舉也數善備敷文教於干戈拾攘之後求
治蹟於寇亂殘廢之餘仁不營私善之大也光復舊觀而
無因陋就簡之議事乘便利而有永垂長計之規智必經
久善之週也至獨力經營和先借造之資數千緡而財無
費於民求役無呼於旁助義不辭難尤善之善者也蕭屬
公門下士得步後塵誼當執管以俟故不敢辭而爲之記
公諱曰藻字印周江南松江華亭人順治乙未進士今官
戶部尙書稱方伯者紀始事云

王思軾記曰

今天子好學右文求賢若渴而於科貢之時剔除弊垢務得真才
尤三致意焉一時中外臣工以及多士莫不惕勵鼓舞以
共昭

聖朝文明之治歲癸巳大中丞遼陽佟公新承命來撫江右夫江
右固貧瘠區也自甲寅兵燹之餘百度皆廢而貢院爲尤

甚昔我公觀察於茲蒿目久之思爲經理會遷去不果今甫下車延訪因華周覽形勢凡廢興利弊無不洞悉於是揆其緩急經營條布而百廢具舉焉如章江之上嘗有繩金多寶塔位當巽方青囊家以爲實闢文運向忽領圮當事者環顧熟視莫之敢任而公獨慨然捐俸命吏督造又南昌府學泮宮前坊表頽塌公又捐貲鼎建俱先後告成恢宏壯麗視前有加不止頓復舊觀而已其他有益於治有裨於民者知之而必爲爲之而必力次第修舉難更僕數而尤念邦家先務莫大於興賢興賢又莫大於貢院我江右貢院前此皆編石號積漸傾廢修葺爲難每當大比則以木號繼之木號不給則以席號繼之大約石號所存無幾而木席則居三之二焉其制湫隘卑陋風雨不蔽應舉之士抱膝呻吟一身跼踖如此安望其冥搜靜討發聖賢之精蘊乎今值甲午賓興我公流覽久之拮据經營捐造所託得人又能曲體公意廓其規制增其號數盡撤木席而易以石務令完繕堅好以下慰多士仰望之心是役也凡用工若干費金錢若干歷時日若干成號舍一萬有奇一時應舉之士若登衽席焉昔少陵云安得廣厦千萬間大庇天下寒士皆歡顏在小陵猶爲虛願而公則真能見諸行事江右之士皆從此發軔雲程起驤

皇路何莫非我公明德之所拔掖而造就者乎蓋能實體
聖天子作人之至意而其識量才力又足以副之於以垂令譽于

無窮固其宜也凡我多士宜其黽勉振興以期無負於我
公始終玉成之美尤願踵其事者知我公措置之盡善而
增修不遺餘力則利賴垂之奕禩而歌誦永於千秋矣是
宜勒之貞珉以永無疆之休

錢陳羣重修貢院記曰江西貢院之復建於東湖實惟康
熙二十年厥後實興之歲卽事修葺以迄於今我

國家文治百年匡廬彭蠡之鍾毓其貢於

朝者備公卿有司百執事之選得人爲盛矣我
皇上興賢育才慎飭科制九年冬

駕幸翰林院

賜宴禮成遂

臨視貢院

御製七言律詩四章樹斯文之軌則閱寒士之苦辛所以體恤
而董勸之者至矣極矣又復

親灑宸翰頒諭直省貢院一體刊刻永垂彞訓今年丁卯鄉試

屆期陳羣奉

命偕侍御馮君秉仁來典試事將入圍仰見至公堂屏風恭勒
天章鸞翔鳳翥氣象喬皇一時執事大小僚屬觀瞻悚惕時則

大中丞開公泰實爲監臨增修貢院率屬興事規制有加
試旣竣得周閱貢院司事者爲言今次工程於常修外所
增加者若聯壁堂後平屋七楹提調監臨試兩廳事龍門
兩旁平屋數楹舉子號舍增高七寸易竹椽以杉木坐板
寫板則加潤之於是爲坊爲垣爲門爲樓爲堂爲廡爲公
廡爲諸所爲席舍爲瞭角樓次第一新而南昌府知府李
君倭署南昌同知事南安府同知劉君方溥署瑞州府事
南昌府通判程君尙贊南昌縣知縣錢君志遙新建縣知
縣邱君蘭標實司其事內外提調監試方伯彭君家屏觀
蔡黃君岳牧副使蔣君嘉年施君廷翰叅政李君根雲實
董其成維貢院爲賓興重地
聖天子求賢若渴作新於上百執事仰奉德意經理於下陳羣
得觀盛於斯實深慶幸是不可以無記以爲後來者觀并
推明夫

國家教養之深詩書禮樂之澤蔚興而不著蓋有自云

布政使彭家屏記曰乾隆九年歲屬甲子爲

國家景運無疆百年初週復始之會余承乏旬宣已三載矣
時值大比內外簾各分執事余謬以領藩綜攬其全爲念
鄉貢無題名碑制慮久而失考爰仿太學勒石以記樹於
南昌府序自今以往每屆如之嗣念闡中向來井眼甚少

舉子恒以艱於取汲爲不便而挑夫喧雜夜深不歸殊非
宜第穿鑿弗慎亦恐有碍文脉廼召集諸生度地磨吉乾
隆十三年十一月十四夜三逢甲子爲貞元會合文明大
啟之象至期虔肅祝奠率屬飭匠於聯璧堂前至公堂下
號舍兩旁及供給各所濬井一十有二莫不源潔流清宣
湧不竭從此永免叫囂之擾而舉子入闈後卽得凝神定
志靜候命試矣然闈內向少清蔭而樹木與樹人同觀且
因以顧名思義也可不講歟爲之樹槐使多士有懷攻苦
三年易度不可漫擲此一日也爲之樹桐使主司觸憶當
年無負其初心也爲之樹桂使秉衡者掇此天香移直上
苑也爲之樹芙蓉使午夜校閱直筆欲下之際重念寒士
之失意堪憐勿輕施塗抹也擬種諸樹義各有取先是與
掘井事宜均請於監臨大中丞開公泰曰善是固無忘未
第時之辛苦欲推以及人爲朝廷體恤多士之雅意也宜
亟爲之學使金公德瑛亦以爲然而同事提調黃觀察岳
牧監試李叅政根雲蔣憲副嘉年施憲副廷翰先後共相
規贊用成盛舉僉議當立石以誌不泯余謹援筆而載之
巡撫吳紹詩重修貢院記曰學校以孫其業貢院以辨其
材厥重均也顧學校之興修見於古名賢文記甚多而貢
院略焉惟我

國家加意掄才當試之年飭守土吏動帑修葺懸諸令甲抑
何鄭重周詳若此蓋謂學校之所以教者越三年而局闡
試之冀得一時之英俊以儲他日用則必安其所處俾展
抒其胸中之蘊蓄而校文受事之所卷帙盈積亦必完固
整潔可無損汙主試者得一其心志以徧爲搜羅至於圍
墻設棘席舍樹柵高臺瞭遠所以爲防弊計者更不可不
周此皆係於掄才者大
聖王之制思深而慮長也乃往往積久敝甚者曠不過三年居
不過一二月循例而舉無大工作因仍遷就亦勢有必然
矣乾隆戊子江西鄉試余職在監臨先期率屬詣貢院周
遭審視傾欹支柱非復一處塌壁頽檐往往而有卽或棟
棟巍然而蠹蝕空虛粉塗皎爾而基址欹側查自康熙二
十年移建東湖之濱更歷多載而丙戌丁亥間雨久湖溢
浸淫積漸以至於此慮材鳩傭非照例支額所可畢乃事
者夫學校教士有學臣貢院衡文有使臣而統轄場務屋
廬居處之不謹無以副

皇上求賢盛心余之咎也謹繕摺奏請大修蒙

恩俞允爰委知府汪鐘率知縣張九鉞試用知縣盛林基監修
公暇輒偕司道往省視以董其成焉地旣濱湖南方秋冬
霖雨墻所以衛院計闡以尺三千五百五十有奇向築以

土易傾易之硯甃且加高焉牆逼湖易浸增下爲高培之使寬所以禦其外者固矣號舍萬間址不高檐不深蓋不密溝不疏皆足受霖雨侵乃高之深之密之疏之視其舊有加提筆入貢士籍者可以從容揮灑矣解舍則內有至明堂最後有奎宿堂皆衡文之地其旁爲主司及同考官內監試之所休息外有至公堂監臨與提調監試視事之處左右五所羣執事居焉其他爲坊爲重門爲瞭樓爲吏役棲止之室爲厨爲厠總計屋五百六十一間毋更張毋侈大毋華飾但使庫者高朽者堅欹者立廢者復剥落者整治釘頭瓦縫算所必周風雨燥濕有備無患同事者皆得事其事以盡其恪恭

王命之忱矣起二月訖六月用帑金六千九十八兩有奇此一舉也十年二十年無事更作至期掃除之而已黜陟之而已奉奏

准於下四科動支數內扣抵統前後通融之用可節而事以舉良甚便也夫國用有常經貢院三年例修有成額嗣是以往相度機宜以濟實用每次於例修之額或有所贏以預備大修則可不待敝甚而後作是斟酌盈虛經久可行之法也仰瞻堂上

宸藻煌煌所以憫念士子者獨至其感興當何如江西前詰道

義事功文章遠炳史冊近著朝端廬峯蠡湖山水鬱積靈
秀之氣發抒正未有艾其養之於學校中者其將於此爲
拜獻之先資也余區區之誠蓋有所屬焉方伯揆義糧道
魏椿年實襄斯役僉曰是不可無以示後爰記此以勒諸

石

明嚴嵩夜登明遠樓同陽明中丞唐朱二察院詩遇夜肅
已靜朗月照重湖風窻倚天漢星浪臨蓬壺的的徐亭樹
寥寥霜署烏良景知難駐留賞詎云徂李夢陽明遠樓

春望詩貢院初開閣春陰獨倚欄柳邊千檻聚花裏萬家
殘風雨江聲壯兵戈地色寒斷腸沙雁北羣起向長安

國朝

錢陳羣重陽前一日同閨中諸公登明遠樓用章蘇州郡
齋雨中與諸文士燕集韻列棘撤深院晚桂敷叢香樓高

延江氣衣薄怯地涼執事方散去紆步迴公堂豈惟適眺
聽於茲覩時康鱗鱗別號舍辛苦誰能忘人以有同趣感

遇皆親嘗右文攄令德煌煌垂詩章思通風雲迥勢轉鸞
鳳翔洪都磊落州聲教何洋洋凌虛發清唱永言表南疆

榜發後登明遠樓見百花洲上有被放者徒倚水濱若
不能歸者然愀然有作用黃涪翁詠李伯時摹韓幹三馬

次子由詩韻何人澤畔頭低垂絕似病馬脫韁絲此時相
對風前萊昨日自許囊中雖暮雲欲雨且不雨西顥隱隱

丁酉仲秋四明王君正邦來爲邑宰既三月政成民和百廢具舉一日過去華問橋興廢始末去華識公意具告之故公乃命兩僧董役率僚屬倡以已俸人爭趨之事半功倍越明年七月橋成僧築兩崖下植護柱繚以欄楯飭以丹堊規模之壯輪奐之美遂爲當道偉觀兩僧請以公姓易橋名將刻諸梁公曰吾官於此補漏支傾恐爲爾民是賴今成此橋若輩之功也吾何與焉矧求名非吾志也惟奉新土瘠而賦重嘗得豐歲猶可爲治遇水旱愈不堪矣橋之成也歲適大稔吾將更其名曰和豐豐言天和言人使爲政者致力於人以求必乎天則自今以始可以傳之無窮邑士民耆老奉公之意踵相接於門請余爲記余謂天人相與事遠而甚邇區區於繁文而責報於天屑屑於小惠而求媚於人心勞日拙反而求之愛人之心形於屋漏暗室之中而民氣和於耕桑隴畝之上至和之氣集於飲食之際而天意格於恍惚茫昧之間造端甚微其意宏大多余觀公之爲政操縱取舍不可窺測事至而應無所容焉是故予者不喜而奪者不怨始至請於太府豁其逋租而新是圖寬與之程而信期之興學校謹教化尊德而尙齒嘉善而矜不能時其婚姻而賑其貧乏恤其死喪而哀其孤苦凡兩漢循吏之所以爲艱而僅能者公率意爲之

官銅庫在瓦子閣

軍器局在順化門城東隅

黃溪渡公館在縣治東北三十里

旌善亭共八十所

申明亭共八十所

新建縣

校士公署在廣積倉之西卽分宜嚴氏廢址後爲豫章書

院萬厯九年學使孫代改建今燬

布政司鑄錢局在東湖之南升銅局在其左久廢今鑄錢

局移建布政司署後僕家塘